

**Examen professional (EP)****Activitads**

**Tecnicistas e tecnicists dal tun lavuran tar registraziuns, sonorizaziuns e producziuns da radio e televisiun cun las apparaturas audiotecnicas. En lur professiun collian els/ellas enconuschientschas tecnicas e musicalas.**

Tecnicistas e tecnicists dal tun lavuran tar radio e televisiun, en studios dal tun, teaters, salas da concert, firmas da sonorizaziun ed en l'industria da film e da musica. Els/ellas èn ils experts e las expertas per la sonorizaziun, la registraziun e la transmissiun da tuns. Lur incumbensa principala consista en concepir ils maletgs sonors che duain vegnir emess sur autpledader u ureglies tenor aspects tecnicos ed artistics.

En lur activitad cumbineschan tecnicistas e tecnicists dal tun know-how cun furmaziun musicala. Els/ellas intermedieschan tranter las pretaisas artisticas e las pussaivladads tecnicas. Visavi artistas, dirigents, cumponistas u reschissurs surpiglian las tecnicistas ed ils tecnicists la funcziun da partenaris cumpetents che gidan a realisar il meglier pussaivel lur intenziuns ed a sviluppar cumplainamain lur savair. Cun utilisar ils meds tecnicos adequats, regular ils singuls chanals, eleger e plazzar ils microfons po il tecnicist u la tecnica dal tun influenzer la tonalitat.

Tar sonorizaziuns ed emissions live surveglian las tecnicistas ed ils tecnicists dal tun permanentamain la qualitat dal tun. Sin defurmaziuns e disturbis dal tun ston els/ellas pudair reagir immediat cun manipular il dretg buttun u reglader. Era en cas da disturbis tecnicos dovri ina sperta survista e reacziun.

Ulteriuras incumbensas èn la preparaziun ed il mantegniment da l'infrastructura tecnica (pults da maschadar, microfons, systems da registraziun da pliras lingias, maschinas master, apparats da mesirar, autpledaders, amplifitgaders etc.) e la participaziun tar la planisaziun d'indrizzes tecnicos dal tun.

**Champ prof. 20**

Cultura

**Scolaziun****Basa**

Reglament reconuschì sin plaun federal dals 04-06-2003

**Preparaziuns per l'examen**

Las qualificaziuns necessarias per l'examen vegnan per regla acquistadas en furma da curs. Il reglament è da retrair tar Audio Engineering Society AES, secziun Svizra.

**Purschidas da furmaziun**

- TTS Tontechnikschule, Schönenwerd
- FFTON Fachschule für Tontechnik, Zürich
- CFMS (Centre de Formation des Métiers du Son), Lausanne

**Durada**

4 semesters, parallel a la professiun

**Roms d'examen:**

acustica, electroacustica, tecnica da sonorizaziun, electronica audio analogica e digitala, tecnica da registraziun e da studio, digital media, surround-sound, tecnologia da radio/tv e webcast, scolaziun da musica e da l'udida, tecnica da video e da postproducziun

**Examen final**

"Tecnicist/tecnica dal tun cun certificat professional federal"

## Premissas

Necessari per l'examen:

- furmazion da basa terminada sco electronist/a EFZ, electronist/a da multimedia, informaticher/informaticra EFZ, mediamaticher/mediamaticra EFZ e 1½ onns pratica professiunala en la domena da l'audiotecnica professiunala
- u
- outra furmazion da basa terminada u matura gimnasiala e 2 onns pratica professiunala en la domena da l'audiotecnica professiunala
- u
- 5 onns pratica professiunala en la domena da l'audiotecnica professiunala

### Pretaisas specificas:

- enclegientscha tecnica
- capacidad da supportar squitschs fisics e psychics
- abilitad da sa concentrar
- buna udida
- interess per la musica da tut las spartas

## Furmaziun supplementara

### Curs

Purschidas da l'Audio Engineering Society (AES), da la TTS Tontechnikschule e da la Stiftung Weiterbildung Film und Audiovision "Focal", [www.focal.ch](http://www.focal.ch)

### Scola privata

"Bachelor of Arts/Science (Honours) en Audio Production" al SAE Institute Zürich (en cooperaziun cun la Middlesex University London)

### Scola super. spezialisada

Studis en direcziuns spezializadas sumegliantas, p.ex. technicher/-cra HF tecnica electronica

### Scol'auta spezialisada

Studis sumegliants, p.ex. Bachelor of Science (FH) en electrotecnica e Bachelor of Arts (FH) en audiodesign a la Hochschule für Musik a Basilea

### Germania

Tecnicist/a dal tun dipl. (uni.)  
 Inschigner/a dal tun (FH)

## Relaziuns da lavur

Tecnicistas e tecnicists dal tun vegnan emploiads d'interpresas da radio e da televisiun, studios da registraziun, firmas da sonorizaziun, teaters, firmas da planisaziun e d'installaziun u da firmas da producziun da films. Las uras da lavur dependan dals termins da producziun. Per part vegn lavurà las fins d'emna e las festas, era la saira e la notg. En vista al svilup tecnic pretenda questa professiun la prontezza da sa perfecziunar cuntinuadamain.

## Ulteriuras infurmaziuns

Audio Engineering Society AES  
 Sektion Schweiz  
 c/o Véronique Adam  
 Rue des jardins, 2  
 1205 Genève  
 Tel: 022 320 52 24  
[www.swissaes.org](http://www.swissaes.org)

TTS Tontechnikschule GmbH  
 5012 Schönenwerd  
[www.tontechnikschule.ch](http://www.tontechnikschule.ch)

FFTON Fachschule für Tontechnik  
 8031 Zürich  
[www.ffton.ch](http://www.ffton.ch)

CFMS  
[www.cfms.ch](http://www.cfms.ch)

Revistas spezializadas:  
 "Production Partner"  
 "Professional Audio"

Infurmaziuns generalas:  
[www.berufsberatung.ch](http://www.berufsberatung.ch)

## Professiuns parentadas

Champ professiunal/SD

Tecnicist/a d'occurrências (BP)

20 0.825